



Broj:

Sarajevo,

Na osnovu člana 47. Zakona o radu ("Službene novine Federacije Bosne i Hercegovine", broj: 26/16 i 89/18), člana 11. i 17. Odluke o platama i naknadama u organima Grada Sarajeva ("Službene novine Kantona Sarajevo" broj: 38/17), člana 24. i člana 34. Pravilnika o radnim odnosima državnih službenika i namještenika u organu uprave Grada Sarajeva i stručnim službama Grada Sarajeva broj: 01-34-4965/17 od 05.10.2017. godine, broj: 01/04-30-3478/20 od 16.06.2020. godine i broj: 01/04-11-7341/21 od 11.01.2022. godine, i člana 49. Poslovnika Gradskog vijeća Grada Sarajeva ("Službene novine Kantona Sarajevo", broj: 28/09, 11/20 i 19/20), Administrativna komisija Gradskog vijeća Grada Sarajeva, donosi:

Radni materijal

RJEŠENJE

1. Prekida se korištenje drugog dijela godišnjeg odmora za 2022. godine **Anji Margetić**, zamjenici gradonačelnice Grada Sarajeva, utvrđeno Rješenjem broj: 04-GV-02-1271-2/22 od 19.08.2022. godine, sa danom **05.09.2022. godine**, zbog upućivanja za službeni put.
2. Termin korištenja preostalog dijela godišnjeg odmora utvrđenog Rješenjem broj: 04-GV-02-1271-2/22 od 19.08.2022. godine se usklađuje na način da imenovana preostalih 9 radnih dana godišnjeg odmora za 2022. godinu koristi u periodu od 12.09.2022. godine do 22.09.2022. godine.

Obrazloženje:

Pravni osnov za donošenje rješenja sadržan je u članu 47. Zakona o radu u kojem je propisano da uposlenik, za svaku kalendarsku godinu, ima pravo na plaćeni godišnji odmor u trajanju od najmanje 20 radnih dana. Članom 11. Odluke o platama i naknadama u organima Grada Sarajeva propisana je nadležnost Administrativne komisije Gradskog vijeća Grada Sarajeva. Članom 24. Pravilnika o radnim odnosima državnih službenika i namještenika u organima uprave Grada Sarajeva i stručnim službama Grada kojim je propisano da se korištenje godišnjeg odmora može privremeno prekinuti na zahtjev gradonačelnika, u slučaju kada je to neophodno radi izvršenja neodložnih službenih poslova, dok je članom 34. navedenog Pravilnika propisana shodna primjena istog na nosioce funkcija u organima uprave Grada Sarajeva.

Rješenjem broj: 04-GV-02-1271-2/22 od 19.08.2022. godine Anji Margetić utvrđeno je pravo na korištenje 20 radnih dana drugog dijela godišnjeg odmora za 2022. godinu u periodu 22.08.2022. godine do 16.09.2022. godine.

Obzirom na činjenicu da se imenovana, po nalogu Gradonačelnice Grada Sarajeva, u periodu korištenja godišnjeg odmora, upućuje na službeni put u Prato, Italija, koji će trajati u periodu od 06.09.2022. godine do 09.09.2022. godine, imenovana je podnijela Zahtjev Administrativnoj komisiji Gradskog vijeća Grada Sarajeva za donošenje rješenja o prekidi drugog dijela godišnjeg odmora.

Razmatrajući navedeni zahtjev, uzimajući u obzir činjenicu da se imenovana upućuje na službeni put po nalogu Gradonačelnice Grada Sarajeva, riješeno je kao u dispozitivu ovog Rješenja.



Korištenje godišnjeg odmora može se privremeno prekinuti.

Pouka o pravnom lijeku:

Protiv ovog Rješenja imenovana ima pravo izjaviti žalbu Komisiji za drugostepeno upravno rješavanje Gradskog vijeća Grada Sarajeva, u roku od 15 dana od dana prijema Rješenja.

Predsjedavajući Administrativne komisije

Dostaviti:

- Imenovanoj;
- Gradskoj službi finansija;
- Dosje.